

S. F. N.

22

APHORISMI PHILOSOPHICI,

QUOS,

Suffrag. Ampliss. FACULTATIS Philosoph.
in Reg. ad Auram Acad.

PRÆSIDE,
VIRO MAX. REVEREND. atque CELEBER.
**D: NO D OCT. CAROLO
MESTERTON,**

Log. & Metaph. PROFESSORE Reg. & Ordin.
h. t. RECTORE MAGNIFICO,

Publico examini modeste submittit

JOSEPHUS MOLIIS,

Ostroboiniensis.

Die XV. Decemb. Anno MDCCXLIV.

ABOÆ,

-10 Impressit JOH. CHRIST. FRENCHELL.

APHORISMUS I.



uemadmodum verissimum est gloriam Divinam esse finem absolute ultimum, ita & omnia, quæ Bailius ad hanc veritatem relegandam & adstruendam felicitatem creaturorum rationalium esse finem ultimum in medium protulit, absurdissima sunt. Nam DEUS est ens perfectissimum & plane independens, quod omnes, qui Atheismi furore non sunt fascinati, facillime nobis concedere existimaverimus. Hinc non potest non & ipsa voluntas Divina esse ejusdem indolis. Sed voluntas perfectissima motivis

PERENNITER. IN CHINIS. TOTUS.

perfectissimis, hoc est, bono in gradu optimo ad appetendum bonum hocce praeceteris fertur; Ast si felicitas creaturarum rationalium esset finis absolute ultimus, hoc exinde sequeretur absurdum gloriam Divinam non fore bonum optimum sed felicitatem rationalium, adeo ut gloria Divina faret minus bonum quam felicitas laudata; Sed gloria Divina est complexus perfectionum Divinarum, hinc perfectiones Divinæ (hoc est ipse DEUS) felicitati creaturarum subordinarentur, adeo ut felicitas haec bonitatis præstantia perfectiones Divinas plane infinitas superaret. Quod quam injurium sit in majestatem Divinam infinitam vel talpa cæcior videt. Hoc quod ex notione voluntatis perfectissimæ jam demonstratum ivimus, etjam ex independentia voluntatis Divinæ deduci potest. Nam si voluntas Divina est independens, uti revera est, non sumit motiva volendi aliunde, quam ex ipsis perfectionibus Divinis; quia hoc non concessio voluntas Dei dependeret ab ipsis ipsis motivis, quæ sine ullo respectu habito

bito ad perfectiones Divinas, ipsius DEI voluntatem ad appetendum bonum & aver-sandum malum determinarent. Quod op-pido absurdum est. Hinc felicitatem ratio-nalium creaturarum non nisi in relatione ad perfectiones suas, hoc est, inquantum cum perfectionibus ejus infinitis congruat felici-tas hæc DEUS sanctissimus intendit, hoc est, felicitas rerum creatarum considerata sine relatione ad perfectiones DEI immensas vo-luntatem DEI permovere atque determina-re non potest, sed inquantum ea cum per-fectionibus DEI, hoc est, cum gloria DEI illustranda conveniat atque concordet, intan-tum quoque DEUS eandem ob solas suas perfectiones vult. Hæc si Bailius recte per-pendisset, facillime convinci potuisset absur-ditatis sententiæ suæ monstruosissimæ.

APHOR. II.

Effugia illa, quæ Naturalistæ præser-tim nostris temporibus in nuda pœnit-en-tia, quam ad expianda peccata sufficere gar-riunt, hi homunciones, quærunt, non sunt
tanta,

tanta, ut, nescio qua furibunda vesania cor-
repti, sibi aliisque incautis persuadere adni-
tantur. Peccata enim uti sunt innumera &
infinite multa, ita & infinitarum consequen-
tiarum unumquodque peccatum est. Unde
quodvis peccatum ceu malum maximum &
maxime horrendum infinitum excitare in ho-
mine deberet dolorem, quia alioquin gravi-
tati peccati non responderet. Sed qvum in-
tellectus humanus sit finitus, qui tantum ab-
est, ut immensam delictorum copiam sibi
simul repræsentare valeat, ut ne unius qui-
dem delicti consequentias & stupendam am-
plitudinem unquam rite perlustrare queat;
& qvum dolor in voluntate excitandus ex
vivida & exacta mali moralis repræsentatio-
ne exoriatur, prono quasi alveo sequitur,
mutilatas intellectus repræsentationes, qui-
bus voluntati delictorum gravitatem exhibit,
nunquam tantum excitare posse in homine
dolorem, quantum infinita peccatorum mul-
titudo & eorundem gravitas requirit. His
justa mentis lance pensitatis, quivis, nisi
sciens volensque hallucinari voluerit, facil-

36

lime videbit, Naturalistarum pœnitentiam, sine fide & apprehensione in satisfactionem Christi vicariam directa, lubrico admodum stare talo. Præter allata hoc quoque obser-vatu dignissimum est, quod pœnitentia, qua-tenus solo dolore in voluntate excitato ab-solvitur, nunquam justitiæ DEI læsæ face-re queat, quod satis est, quamvis gravitas doloris infinitæ delictorum gravitati alio-quin responderet. Nam peccata quævis fa-cile deprehendit ejus esse indolis, ut præter passionem satisfactionem quoque requirant. Nam quemadmodum Debitor, qui pecunias creditas una cum bonis suis devorando con-sumsit, adeo ut nihil, quo illas creditori solveret, magis habeat, per pœnitentiam, qua vesaniam suam in totum improbat, jus creditoris exigendi pecunias mutuo datas, nunquam tollere potest, ita nec homo pœ-nitentia angoreque animi sui, quantumvis exquisitissimo, peccata sua sine præstita sa-tisfactione delere potest. At autumnant DEUM sine facta satisfactione ob solam a-gnitionem delictorum seu pœnitentiam ex

gra-

gratia peccata delinquentibus condonare posse, sed vereor, ne DEO attribuant, quod perfectionibus ipsius summis repugnat. Nam si Lex Divina Naturalis est indispensabilis; uti revera est, nescio qua ratione DEUS, cuius ens absolute immutabile, possit approbare actionem contra legem indispensabilem, id est, contra suas absolute immutabiles patratam.

APHOR. III.

Inter cætera, quæ res Christianas haud parum concutiunt, si non primum, certe nec ultimum sibi vindicat locum Deistarum opinio, qua mundum hunc sine Providentia Divina existentiam suam continuare non demonstrant, sed quasi furibundi irrisores harriolantur. Sed qui contingentiam mundi ritte intelligunt, facillimo cum negotio se ab horum versipellium laqueis stygialibus expedire possunt. Nam quemadmodum mundus se ipsum existentia induere non valuit; ita nec eandem sine Divina sustentatione continuare ullo potest modo. Quod si possibile

3) 8 (3

foret; Mundus in existendo continuandus,
foret ipse cauſa ſui iplius ratione exiſten-
tiæ continuandæ, ſeu quod idem eſt, exiſten-
tia continuanda contineret in ſe ratio-
nem exiſtentiaæ continuandæ. Quis eſt, qui
non videat in hac demonstratione circulum
committi. Sed ut eo facilius incautos de-
cipere queant, fingunt in prima creatione
mundo divinitus eſſe confeſſam vim quan-
dam continuandi exiſtentiam; ſed poſito hoc,
viſ hæc aut eſt neceſſaria aut contingens,
ſi illud, viſ hæc nulla alia eſſe potheſt, quam
potentia Divina, quia viſ neceſſario exiſtens
eſt ipſe DEUS; ſi vicifſim hoc, quod ſcil.
viſ illa ſit contingens, quaेſtio proposita re-
curreret: Utrum ſcil. illa viſ ceuſ contingens
poſſet exiſtere ſine manu Divina ſuſtentatri-
ce? quod vi antecedentium negandum eſt.
Conf. Wallerii Prænot. Theol. Pars 2:da
Cap. 2. §. 50.

APHOR. IV.

Inter cæteras absurditates, quæ plero-
rumque veterum Philofophorum & recento-
rum temporum Atheorum cauſam in totum
de-

¶) , (¶

deformant, eminet Materia DEO coæterna. Nam si materia æterna foret possibilis, existentia ejus foret attributum essentiæ materiæ hoc est, existentia materiæ, rationem sufficientem sui haberet in ipsa essentia, adeo ut posita essentia ceu determinante, poneretur existentia ceu determinatum. Sed essentiæ rerum, utpote saniores Metaphysici contra Poiretum stabilituni eunt, sunt æternæ, absolute immutabiles & absolute necessariæ; hinc quoque sudo clarius sequeretur hoc, quod existentia materiæ foret absolute immutabilis atque absolute necessaria. Quod quantum sanæ rationi & experientiæ repugnat omnes, nisi utrisque lippire voluerunt oculis, sine ulla difficultate videre existimaverimus. Nam si materia absoluta existeret necessitate immutabilitateque, nullæ in toto rerum sistema mundanum absolvantium ambitu, jam viderentur mutaciones, sed totum, quantum sit, præsens hoc universum, semper nobis invariabilem præberet faciem, nosque una cum illo absoluta existeremus necessitate. O ! vesaniani

nunquam satis deplorandam. Unde quæso! tot & tam infinitæ rerum mutationes & vicissitudines, quas quotidie oculis conspicimus nostris; originem ducunt suam?

APHOR. V.

Licet arrogantiam magis quam sanam mentem redolere quivis videat quæstionem: Utrum DEUS ab æterno mundum creare potuerit? & quænam sit ratio cur DEUS hunc mundum prius creatum non voluerit, quam jam creatus est? Multum tamen laboris resolutio hujus quæstionis viris, alioquin ingenio & subacto judicio maxime conspicuis, excitavit, adeo ut non uno eodemque modo, nec uno eodemque successu in eadem decidenda componendaque se expedierent. Nonnulli enim ejus enodationem impossibilem esse putabant, adeo ut totam quæstionem concedendam, h. e. mundum potuisse ab æterno vel ante quædam secula, quam creatus est, creari, arbitrali sunt. Nonnulli confugiunt ad libertatem DEI atque sapientiam summam, quam rationes quidem sufficientissimas, sed nobis in hac mortalitate

im-

impervestigabiles habuisse adserunt, cur non prius condiderit mundum quam jam creatus est. Nonnulli denique utrumque absurdum esse dicunt, sed qua ratione, ex nodo hocce Gordio sibi expediendum sit, non conveniunt. Sed ex illis, quae in antecedente Aphorismo attulimus, patet materiam æternam esse purum putum figmentum & contradictorium quid. Hinc ut mundus materialis initium habeat necessum est, & quod de mundo materiali, id etiam de immateriali valet. Sed deducere existentiam suam seu creari ab æterno & initium habere, seu a puncto quodam temporis existere incipere, contradictionem eandemque apertissimam involvit in adjecto. Mundus est complexus rerum mutabilium & successivarum, sed seriem successivarum concipere sine initio æque difficile est, ac ducere lineam sine ullo punto, a quo duci incepit; in æternitate vero nihil prius nihil posterius est, sed omnia sunt simultanea, vi definitionis; quia vera genuinaque æternitatis notio durationem indefesibilem & simultaneam infert. Hinc itaque

ab-

absolute impossibile est mundum ab æterno creari. Unde & insimul clarissime elucescit mundum non potuisse prius creari quam creatus est. Nam qui hoc ceu possibile concipiunt, notionem æternitatis successionibus obnoxiam fingunt; sed posita successione, ponantur res sibi invicem succedentes, necessum est. Ast ante mundum creatum nihil aliud existebat, quam DEUS, qui nullam mutabilitatem & successionem non admittit. Unde vel nobis non monentibus patet mundum non potuisse prius creari; quia hæc locutio præsupponit durationem successivam, quæ ante mundum creatum nulla erat.

TANTUM.

